

III. OUTRAS DISPOSICIÓNS

ESCOLA GALEGA DE ADMINISTRACIÓN PÚBLICA

RESOLUCIÓN do 17 de novembro de 2015 pola que se convoca unha xornada sobre elixibilidade, simplificación e avaliación dos fondos estruturais e de investimento europeos 2014-2020.

Dentro do plan de actividades da Escola Galega de Administración Pública para o ano 2015 e de acordo coas funcións atribuídas pola Lei 4/1987, do 27 de maio, de creación da Escola, modificada pola Lei 10/1989, do 10 de xullo, a EGAP, en colaboración coa Dirección Xeral de Relacións Exteriores e coa UE, convoca unha xornada sobre elixibilidade, simplificación e avaliación dos fondos estruturais e de investimento europeos 2014-2020, conforme as seguintes bases:

1. Obxectivos.

Dentro do ámbito de xestión dos fondos estruturais e de inversión europeos para o período 2014-2020, propónse esta acción formativa cuxo obxecto principal é tratar de facilitar aos xestores públicos dos fondos europeos as claves necesarias para unha boa xestión e execución destes.

2. Contidos.

Serán tratados, entre outros, os seguintes temas:

- Novas regras de elixibilidade dos fondos estruturais e de investimento europeos.
- Custos simplificados.
- Marco de rendemento e reserva de eficacia.
- Aspectos prácticos da avaliación dun proxecto.

3. Destinatarios.

Xestores de fondos europeos ao servizo da Administración da Xunta de Galicia, de entidades dependentes desta e persoal ao servizo das entidades locais galegas.



4. Desenvolvemento.

Lugar: Santiago de Compostela. Salón de actos da Escola Galega de Administración Pública (rúa Madrid, 2-4).

Data: 14 de decembro.

Horario: mañá e tarde, das 9.30 ás 13.45 e das 16.00 ás 18.00 horas.

Duración: 6 horas lectivas.

5. Número de prazas.

75 prazas.

6. Inscripción.

As persoas interesadas deberán formalizar a súa inscrición a través da área de matrícula da web da EGAP: <https://egap.xunta.es/matricula/>.

A orde de admisión virá determinada pola data de presentación das solicitudes.

O prazo para inscribirse estará aberto desde o día seguinte ao da publicación desta resolución no *Diario Oficial de Galicia* ata o 11 de decembro de 2015.

Poderá obterse calquera outra información, desde as 8.30 ata as 14.30 horas, nos teléfonos: 981 54 62 41-981 54 62 39.

7. Modificacións.

A EGAP reserva para si a facultade de interpretar e de resolver as incidencias que poidan xurdir no desenvolvemento deste curso, así como a facultade de cancelalo se o escaso número de solicitudes non xustifica a súa realización.

8. Certificado de asistencia oficial.

Ao final do curso entregarase un certificado de asistencia a aquelas persoas inscritas que participasen asiduamente e sempre que a súa asistencia fose igual ou superior ao 90 % das



horas lectivas programadas. Neste documento aparecerán, de forma expresa, o contido, a carga lectiva, a data, o lugar de realización do curso e o selo oficial da institución.

Santiago de Compostela, 17 de novembro de 2015

Sonia Rodríguez-Campos González
Directora da Escola Galega de Administración Pública

CVE-DOG: ebajjt6-xqd5-sif7-7rq1-is1ciehdagb6

